



Broj: 27-02-35-35139.57/22
Sarajevo, 28.09.2022. godine

UGOVOR O NAMJENSKOM KORIŠTENJU SREDSTAVA
za sufinansiranje naučnoistraživačkih/umjetničkoistraživačkih i istraživačkorazvojnih
projekata i programa iz Budžeta Kantona Sarajevo za 2022. godinu
-Sufinansiranje izdavanja i indeksiranja časopisa-

Zaključen dana 28.09.2022. godine između ugovornih strana:

- 1. MINISTARSTVA ZA NAUKU, VISOKO OBRAZOVANJE I MLADE KANTONA SARAJEVO, ul. Reisa Džemaludina Čauševića br. 1, kojeg zastupa ministrica prof. dr. Aleksandra Nikolić (u daljnjem tekstu: Ministarstvo) i**
- 2. UNIVERZITETA U SARAJEVU (u daljnjem tekstu: Dobitnik sredstava) , ul. Obala Kulina bana 7/2, kojeg zastupa rektor prof.dr. Rifat Škrijelj**
- 3. UNIVERZITETA U SARAJEVU – FAKULTET POLITIČKIH NAUKA, ul. Skenderija br. 72, kojeg zastupa dekan prof.dr. Sead Turčalo.**

PRAVNI OSNOV

Ugovorne strane saglasno utvrđuju da se ovaj Ugovor zaključuje na temelju Programa utroška sredstava s kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2022. godinu („Službene novine Kantona Sarajevo” broj: 16/22), Odluke Vlade Kantona Sarajevo o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo iz Budžeta Kantona Sarajevo za 2022. godinu („Službene novine Kantona Sarajevo” broj: 19/22), Odluke o preraspodjeli sredstava za podršku naučnoistraživačkoj djelatnosti na području Kantona Sarajevo za 2022. godinu broj: 27-02-35-16222-7/22 od 15.08.2022. godine.



Član 1.

(Predmet – svrha dodjele sredstava putem transfera)

Predmet ovog ugovora je dodjela finansijskih sredstava Univerzitetu u Sarajevu, za sufinansiranje naučnoistraživačkih/umjetničkoistraživačkih i istraživačko razvojnih projekata i programa iz Budžeta Kantona Sarajevo za 2022. godinu, a u skladu sa Odlukom o utvrđivanju konačne liste dobitnika sredstava broj: 27-02-35-16222-3.1/22 od 18.08.2022. godine, po Javnom pozivu Ministarstva za nauku, visoko obrazovanje i mlade Kantona Sarajevo, broj: 27-02-35-16222-1/22 od 6.05.2022. godine, a za PROGRAM B.2.2_A – Sufinansiranje izdavanja i indeksiranja časopisa.

Član 2.

(Odobrena sredstva i plaćanje)

Ministarstvo će odobrena sredstva iz člana 1. ovog ugovora u iznosu od **1.953,00 KM** preraspodijeliti sa budžetske organizacije 35010001 Ministarstva za nauku, visoko obrazovanje i mlade, ekonomski kod 614300 QAN002 Programi nauke na budžetsku organizaciju **3502001- Univerzitet u Sarajevu** po programima i po osnovu odobrenog projekta, a za slijedeću organizacionu jedinicu:

Aplikant	Naziv časopisa	Odobrena sredstva
UNSA/Fakultet političkih nauka	„Sarajevski žurnal za društvena pitanja“	793,00
UNSA/Fakultet političkih nauka	„Socijalne studije“	1.160,00

Član 3.

(Opće odredbe o realizaciji ugovora)

Dobitnik sredstava prihvata finansijska sredstva iz člana 2. ovog ugovora i obavezuje se da će ista utrošiti u 2022. godini, namjenski i u skladu sa zakonom.

Ministarstvo će vršiti kontrolu namjenskog utroška odobrenih sredstava iz člana 2. ovog ugovora kroz:

- razmatranje izvještaja o utrošku sredstava koji je Dobitnik sredstava obavezan podnositi u skladu sa ovim ugovorom,
- na drugi način za koji Ministarstvo procjeni da je adekvatan.

Strane su saglasne da Ministarstvo u periodu trajanja ugovora zadržava pravo jednostranog raskida ugovora ukoliko se naknadno utvrdi da je Dobitnik sredstava, organizaciona jedinica u dostavljenoj aplikaciji na Javni poziv netačno prikazao da ispunjava bilo koji od uslova za dodjelu sredstava propisan aktima navedenim u uvodnim odredbama ovog ugovora i Javnim pozivom za sufinansiranje naučnoistraživačkih/umjetničkoistraživačkih i istraživačko razvojnih projekata i programa iz Budžeta Kantona Sarajevo broj: 27-02-35-16222-1/22 od 6.05.2022. godine, te ukoliko se utvrdi da dobitnik sredstava nenamjenski koristi sredstva.

U slučaju da Ministarstvo jednostrano raskine ugovor, dobitnik sredstava se obavezuje da po zahtjevu Ministarstva iz vlastitih prihoda izvrši povrat doznačenih sredstava na račun JRT Kantona Sarajevo.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

Član 4.

(Obaveze Dobitnika sredstava)

Dobitnik sredstava je obavezan da:

- 1) realizira projekat u vrijeme i mjesto provođenja aktivnosti/programa /projekta, onako kako je to navedeno u prijavi na javni poziv;
- 2) omogući Ministarstvu kontrolu namjenskog utroška sredstava, modalitete za praćenje i ocjenjivanje uključujući i obavezu Dobitnika sredstava da podnese izvještaje o aktivnostima i finansijsko izvještavanje, te omogući Ministarstvu uvid u finansijsko poslovanje i projektne obaveze Dobitnika sredstava;
- 3) prilikom realizacije i implementacije programa, naznači da je isti sufinansiran i podržan od strane Ministarstva, kao i da isto navede na svim promotivnim i reklamnim materijalima tokom realizacije programa ali i na svim materijalima koji će biti rezultat realizacije programa;
- 4) ukoliko realizacija projekta ne bude završena 6 mjeseci nakon roka predviđenog projektnim prijedlogom, Dobitnik sredstava se obavezuje Ministarstvo obavijestiti u pisanoj formi o razlozima zbog kojih je došlo do kašnjenja u realizaciji projekta. Ministarstvo u svakom konkretnom slučaju cijeni opravdanost i osnovanost kašnjenja u realizaciji projekta i u slučaju nesaglasnosti obavještava Dobitnika sredstava;
- 5) učini javnosti vidljivim rezultate proizašle iz sufinansiranih aktivnosti;
- 6) izvijesti o eventualnim uslovima i načinu sufinansiranja aktivnosti/programa/projekata od treće strane;
- 7) najkasnije 30 dana od nastupanja roka koji je projektom predviđen za realizaciju projektnih aktivnosti dostavi finalni (integralni-finansijski i narativni) pisani izvještaj o namjenskom utrošku odobrenih sredstava.

Član 5.

(Obaveze Ministarstva)

Ministarstvo je obavezno da:

- 1) izvrši prenos odobrenih sredstava iz člana 2. ovog ugovora najkasnije 15 dana od dana potpisivanja ovog ugovora.
- 2) vrši nadzor nad namjenskim utroškom dodijeljenih sredstava u skladu sa ovim ugovorom.

Član 6.

(Posljedice propuštanja urednog izvršavanja ugovorenih obaveza)

- 1) Ukoliko Dobitnik sredstava Ministarstvu ne dostavi izvještaj o utrošku sredstava, obavezuje se da izvrši povrat uplaćenih sredstava najkasnije 30 dana od dana nastupanja ugovorenog roka za izvršenje obaveze na Jedinствени račun trezora Kantona Sarajevo i to iz sredstava koja predstavljaju vlastite prihode Dobitnika sredstava.
- 2) Dobitnik sredstava koji propusti uredno izvršenje ugovorene obaveze u pogledu namjenskog utroška dodijeljenih sredstava i blagovremenog dostavljanja pisanog izvještaja kojim se na dokumentovan način dokazuje namjensko trošenje sredstava, ne može naredne budžetske



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

godine ostvariti pravo na dodjelu sredstava iz Budžeta Kantona Sarajevo sa pozicije Ministarstva koja su namijenjena kao podrška Programima nauke.

- 3) Ukoliko se ustanovi nenamjensko trošenje doznačenih sredstava Dobitnik sredstava je dužan izvršiti povrat cjelokupnog iznosa doznačenih sredstava na Jedinstveni račun trezora Kantona Sarajevo u roku od 30 dana od dana kada Ministarstvo pisanim putem to od njega zatraži, u suprotnom pokrenut će se postupak pred nadležnim organom protiv Dobitnika sredstava koji nije opravdao doznačena sredstva i zabranjuje se apliciranje istom na konkurse koje raspisuje Ministarstvo u periodu od tri godine.

Član 7.

(Saglasnost Dobitnika sredstava)

Svojim potpisom na ovom ugovoru, Dobitnik sredstava potvrđuje svoju saglasnost i prihvata da se podaci sadržani u ovom ugovoru unesu u Registar transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo, te da budu javni i transparentni.

Član 8.

(Uslovi raskida i promjene ugovora)

- 1) Ugovor se može raskinuti kada iz okolnosti proizilazi da Dobitnik sredstava neće u roku realizirati projekat i u slučaju nepoštivanja odredbi ugovora.
- 2) Ugovor se raskida jednostranom pisanom izjavom volje drugoj ugovornoj strani, poslanoj na adresu iz ovog ugovora ili objavljenoj na oglasnoj ploči Ministarstva.
- 3) U slučaju raskida ugovora, Dobitnik sredstava obavezan je Ministarstvu vratiti cjelokupan iznos odobrenih sredstava iz člana 2. ovog ugovora, u roku od 30 dana.
- 4) Promjene ugovora su moguće u slučaju opravdanih izmjena uslova, na obrazloženu molbu ugovorne strane. Promjena uslova ugovora se realizira zaključenjem aneksa ugovora.

Član 9.

(Rješavanje sporova)

- 1) Ugovorne strane svojim potpisom potvrđuju da su pročitale i razumjele odredbe ovog ugovora.
- 2) U slučaju spora nadležan je Općinski sud u Sarajevu.

Član 10.

(Ostala prava i obaveze)

Za pitanja koja nisu regulisana ovim ugovorom, a odnose se na prava i obaveze ugovorenih strana primjenjivat će se Zakon o obligacionim odnosima.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

Član 11.
(Završna odredba)

Ugovor je sačinjen u četiri primjerka, od kojih jedan pripada Univerzitetu u Sarajevu, jedan organizacionoj jedinici, a dva primjerka Ministarstvu.

UNIVERZITET U SARAJEVU


Prof.dr. Rifat Škrijelj



**MINISTARSTVO ZA NAUKU, VISOKO
OBRAZOVANJE I MLADE
KANTONA SARAJEVO**


Prof.dr. Aleksandra Nikolić



Broj protokola:

001-10066 pz

Datum:

27-09-2022


Broj protokola: 27-02-35-35139.57/22

Datum: 28.09.2022. godine

FAKULTET POLITIČKIH NAUKA

Prof.dr. Sead Turčalo

Broj protokola:


01-31-1033-3/22

Datum:

28.09.2022.

